



UKA 2018/155

25/10-2018

Nivi Olsen

Kalaallit Nunaanni ilisimatusarnernut tamanut ataatsimut qarasaasiami paasissutissanik katersivimmik pilersitsinissamik periarfissat misissorneqarnissaat pillugu Naalackersuisut peqquneqarnissaannik Inatsisartuni aalajangiiffigisassatut siunnersuut.

(Inatsisartunut ilaasortaq Mimi Karlsen, Inuit Ataqtigiit)

(Siullermeerneqarnera)

Demokraatiniik qujarusuppugut siunnersuummut Mimi Karlsen-miik.

Demokraatiniik isumaqarpugut ilisimatusarnermi paasisat suli annerujussuarmik inuiaqatingiinnut apuunneqartassasut. Tamannalu aamma ilisimatusarneq nunatsinni siuariartornera ilutingalugu annertusiartorpoq. Katuami saqqummiisarnerit annertusiartorput.

Isumaqatingaarput siunnersuutertoq ugguuna ilisimatusarnermut tunngassuteqartut ataatsimut katersorneqarlutik aajuminarnerullutillu nanijuminarnerusariaqartut. Ugguunali isumaqatinginngilarput Naalackersuisut toqqaannaq attuumassuteqarfingisaani katersorneqassasut. Tassani isumaqarpugut ilisimatusarfik tassaassasoq ilisimatuussutsikkut tunngassuteqartunik katersuuffik, politikikkut ersarissumik sunnersimaneqanngittoq.

Taamatullu oqaaseqarluta ugguuna isumaqataanngilagut annerusumik aningaasalersuisoqassasoq. Atorfilittat pingineqareersut sulisullu pingineqareersut atorneqarnissaat kissaatingaarput. Unami ajornartorsiut anginerunngilaq oqaloqatingiinnikkut aaqqinneqarsinnaasoq.

Taamatut oqaaseqarluta una siunnersuut ersarissumik isummerfingineqarniassammat ilinniartitaanermit ataatsimiitsitaliamut ingerlateqqipparput.